

缶廬詩卷第三

安吉吳俊昌碩

避雨野屋

因樹屋無主卷茅風有聲
黑雲奔馬至驟雨促詩成
山挾浪遙浦帆拖秋入城
誰邊漁笛起孤坐益淒清

和鐵老

往事劍三尺老懷萍一根
游傷金粉地歸憶苧蘿邨
月白淺斟酒水涼深閉門
吟詩墮餘響於邑暮蟬吞

藪翁先生命題孤松獨柏圖

茗雪歸無侶江湖舊有莊
狂名滿人口長物一詩囊
冷

合辭官去飢猶弄筆忙涼秋好風色瑟瑟動衣裳
戰文誰敢塵人世重孤標松柏一以古歲寒同寂寥愁
將書下酒高想樹縣瓢獨我吳門客年年吹鋏簫

南翔

舟聽雨忽止南翔水一涯雲沈香稻粒風打木棉花餘
布衣成晚枯茅屋補斜官租完也未忍去問家家

哭鐵老先生

老翁賦詩南廬秋十二年前我同客勸我學游還學詩
謂不知詩負游屐潤州詩乞中泠泉茗上詩索花乳石
虛舟直破萬里浪人生無家詩有窟貧不知憂好食肉

燒豬个个論肥瘠千金那買古玉售百盃願侍美人側
看花飲酒忽不樂懷古張睟幾朝夕卧病匡牀槿瘦骨
枕疊殘書燈閃壁隻身委化類禪宗恍對造象拜彌勒
蕪園詩好幸重遇七載恨坐雲天隔余與先生甲戌年
同客杜氏曼陀羅
館庚辰正月南北東西去復來潦倒生涯情脉脉狂歌
重遇吳下吳下唱徹梅樹林秋心卧冷琉璃席石頭城中誓殺賊詩人
有才期報國先生陷賊中與張某上書當
道謀為內應後機洩先生跳當年壯志天
未成地下長吁起魂魄

存沒口號十二首

吳瘦綠先生

一房山插十二峯吸翠躍起龍湖龍高吟直和郢中唱
古貌壓倒牆頭松聞瓦甍道在朝夕爲兒女忙無夏冬
悲秋一病遽作古數典問字吾誰從

張子祥熊

祥翁海上復見面八十餘歲顏若醜丹青暮年轉奇特
彝鼎閒日供摩挲虬髯俠氣眼中少王宰能事門下多
游魂秋冷歸去未月黑風高難渡河

胡橫雲公壽

橫雲畫竹風雨痕橫雲畫石怪鷗蹲潑墨黑風倒吹海
悲秋黃葉齊打門一鶴梳翎有何寄眾佛低首誰敢尊

有時閣筆發浩歎濯足頗厭申江渾

浚病鶴霞

板屋偪仄天井圓病鶴常在蟪殼眠揚州夢醒住且續
金石癖固醫難痊慣滌愁腸酷美酒好買花乳輸青錢
昨日一卷寄江左使我礪刀思踏天

朱頻華鏡清

談詩豪情薄雲雷別君幾見梅花開記兩罍軒共食古
爲獨往客眞棄才鴻飛冥冥思遠道鶴企往往臨高臺
他日宦成買茅屋相約泉明歸去來

任伯年頌

山陰行者真古狂下筆力重金鼎扛忍飢慣食東坡硯
畫水直翦吳淞江定把奇書閉戶讀敢握寸莛洪鐘撞
海風欲卷怒濤入瑤琴壁上鳴琤琤

吳鞠潭淦

吾家老鞠瘦無恙脫帽林下看秋天閉門嬾稱逆旅客
賣字大獲酤酒錢橫流滄海視一粟敝屣冷官拋廿年
築耶城畔晚潮落去抱絲綺尋成連

蒲作英華

蒲老竹葉大於掌畫壁古寺蒼厓邊墨汁翻衣冷猶著
天涯作客才可憐朔風魯酒助野哭拔劍斫地歌當筵

柴門日午叩不響雞犬一屋同高眠

楊南湖伯潤

南湖水浸煙雨屢不能歸去南湖愁奇書下酒見青眼
一官入世將白頭句句詩吟海上雪山山盡出雲間秋
何日與君脫塵網去買釣艇披羊裘

金睛牛彪

瘦羊病鶴高自由結交又得金睛牛良醫肯居古人後
新詩吟罷吳山秋移家別君過舊歲訪友乘興無扁舟
遙想梅花寫尺幅月明寒水溪雲流

金俯將傑

雙脚誤踏市井門移家茗上雞與豚獨樹當門傲五柳
坐石醉客窪一尊抱漢晉博當白壁識金銀氣游黃昏
土缶持贈未及報嗚呼死別聲難吞

王竹君璜

先生慷慨非俗儒延課二子來香廬談兵擊折鐵如意
讀書不改金根車青氈坐穿耗心血白雞夢惡死背疽
斗醪設祭蕭寺晚月明滴淚枯方諸

饑看天圖自題

造物本愛我墮地爲丈夫昂昂七尺軀炯炯雙青矚胡
爲二十載日被饑來驅頻歲涉江海面目風塵枯深抱

固窮節豁達忘嗟吁生計仗筆硯久久貧向隅典裘風
雪候割愛時賣書賣書猶賣田殘闕皆膏腴我母咬菜
根弄孫堂上娛我妻炊屨屨甕中無斗糈故人非絕交
到門不降輿見笑道旁誰屠販髣髴須閉戶自斟酌天
地本蘧廬日月照我顏雲霧牽我裾信天鳥知命人豈
鳥不如看天且聽天願天鑒我愚海內穀不熟誰繪流
民圖天心如見憐雨粟三輔區賤子饑亦得負手游唐
虞

船去

船去邱山重風來草木哀
便人潮不落自壽酒無才得

食老雅集呼羣寒雁同殘年此行色那不肺肝摧

泊崑山七里廟為友人刻印

孤舟天際識長涂風阻帆檣到日晡慘見圍場烹獵犬
怪聞翁仲叱妖狐倉皇夢蝶誰仙侶潦草彫蟲坐壯夫
他日燕然容刻石毛錐鈍鐵再規模

哭徐韻生

韻生大令名維城丹徒人北通州籍工詩著有
天韻堂集丙戌長至夕同飯於吳鞠潭學博寓
齋重聽未與通語余既出鞠潭示以余詩輒謂
不凡即徒步見訪漏三下矣旋於十二月十二
日沒滬上春
秋七十二

腸古見語言骨化離世濁詩人死可噫護喪仗童僕風

塵仰顏色作介吾老鞠耳聾音問隔對食如偶木飯罷
返寓廬昏黑聞剝啄屢問不一答忙亂喚秉燭相見輒
論詩氣急動眉目翁好湖海游詩腸瀉珠玉皇皇天韻
堂結想到濠濮氣壓昌黎豪響窮東野哭胡爲痴是嗜
議論著斑駁宦情雲水捐道氣梅花覺談藝動朝夕作
別滬江曲生別形神寒死別景光促有子客遠方寄書
到不速海風吹石苔桐棺卧寒綠知己唯有詩北邙弔
幽獨鐙殘夢老態風冷貂裘禿

晚潮

早潮渾渾晚潮大波心一舟如轉礮燈火歷亂人叫號

聞說商人帶私貨

私貨騰踏巡丁舞關吏得錢工自數皇皇禁令堂上縣
罰例倍十還倍五

商人面目死灰色賣櫓質衣淚橫臆一人搖手爾弗急
譬若對面逢盜賊

富紫明先生

不第再上書歸作茗上客同時顯達輩相見判行蹟遠
道念故人寄書達消息秋風梳肺肝多病苦岑寂人生
無病眼漆黑不如卧病枕書籍卧病讀書心體閒中有
萬古千秋之朝夕嗟我東西南北苦行役貧典我書病

我瘠被饑驅向海上行短襪飄零百憂歷那及先生病
起看白雲玉磬峯頭駐游屐回首雲龍天一涯短句吟
成淚霑臆

謝沈公周瑾贈赤烏殘磚

虞山蒼蒼海東落有美一人占邱壑搜詩山鬼長夜愁
著屐梅花早春約赤烏殘磚偶拾得寄窮措大勝金錯
七年吳冢誰造作封題未拆先摸索文字刻露森芒角
若蠻夷印快刀鑿紫髯碧眼英雄姿江東一隅受兄託
拒曹赤壁神鬼驚烽火倉皇竄鼠雀繞樹三帀烏南飛
非爾族類任飄泊後七年夏吳祚衰

太元二年二月改
元神鳳夏四月權

藁藁改元神鳳鳥不若得無累爾築蔣陵筆畫殘經匠手
斫缶廬臧甃舊有此金大論交重一諾謂俯將製作較薄
文較嚴琢硯用之久長樂脫本人手雙鳥銀嘉惠平生
敢忘卻寄書想見三摩抄愛我疏狂不我矇只愁荒儉
字不識病入膏肓無可藥冷淡生涯且礪墨應門喚起
梅邊鶴赤鳥赤鳥饑莫嗔伴爾空山食藜藿

高邕之邕書句圖

邕之司馬也佳公子也能書而偏自號書句屬
任伯年畫小像頭如蓬葆破衣提筐筐中貯筆
硯極寒酸局促之態見之使人失笑
遊戲耳非有激也予亦以遊戲題之

吳市簫聲好天籟何苦學書負書債無臺避不易

海上人人識書句亂頭粗服得書意肉眼當前未肯賣
東坡破硯案頭乾羲之俗字筆尖礙古人知己問誰是
江都李與陳留蔡臨池日日推嬾病愛已之鉤無乃太
見我論書心輒醉技蚌拈弄類爬疥相約忍饑逐鷗鷺
一任侏儒飽成隊我書素有墨豬誚媿不如句書已戒
索我題詩惱殺人此事應書咄咄怪

有贈

聽老江南雨嘯乾渡口鴉春潮添遠浦梅樹落新花碧
玉尊前淚黃金夢裏家天涯同惜別苦調入琵琶

贈萬澗民釗

老澗飄零客尋山憶去秋旅情春雁入活計破書求萬
事寵爲下卑官貧不愁滄江風日晚與爾狎沙鷗

春日北寺題壁

當戶南山空翠微看雲北寺坐芳菲唯楊及柳古情見
在水一方詩興飛亭子短長棲鳥下潭煙深淺夜漁歸
數聲歌詠殘陽外儻有高風到浴沂

題畫

酤酒怡白雲吹笛坐黃犢江花泊岸紅山雨下庭綠

看陸廉夫畫鍾馗像

風動襟袞迤楮破須眉觸魑魅避頃刻怪君墨法熟氣

敵武梁祠力逐中原鹿意足不在筆縣壁益驚目世事
可笑人返覆聽謠詠鬼物人耶瘵白日肆荼毒老葵怕
多事一醉唯裹足進士蝨一官夫豈畏謗讟請君畫快
劍殺鬼剝皮肉君曰胡劍爲鬼多難盡戮攜此伴行篋
嚇鬼當符籙眼張大鬼愁臂攘小鬼哭鬼母與鬼伯伏
地罪求贖此時姑聽之勝把奇書讀旅館風魍魎黃昏
飛蝙蝠

松隱閣讀書圖爲沈伯雲慶雲題

老松穿牆頭破寺窅然古寓公喜讀書我客僧爲主讀
罷風寥寥濤聲滿窗戶坐根青銅冷攬案老龍舞鐘動

日卓午面壁僧三五擁書共息影誰識蕤頭苦況經喪
亂來晚境歷難補馮公閉側竇董子闌荒圃好學同此
心古人應識汝我書付劫火我隱迷處所種樹欲買山
療饑定拾芋摩抄沒字碑識字能幾許其在風塵中相
對慰逆旅題詩松影寒颯爽來如雨

何熙伯汝穆夢家山圖

孤枕聽晨鐘寒風動旅館游子有所思夢醒張兩眼有
家未之返故鄉千里遠生長大江南欲歸苦無伴家山
夢裏見門巷荆棘滿富貴何所求那不失初算識子吹
簫市襟袞塵不澣弄筆數年久依人兩滄飯讀畫亂我

心歸思亦難，緩燕園釀風雨。白屋照書簡，浮家無定所。
況復鄉夢斷，好夢子善持。春夜良苦短，淮山與淮水清。
絕天下竿曷不載，犢車還山共雞犬。

吳伯滔滔贈山水障索寫梅花

堂上松樹生十圍，滔老不畫還數誰。平生好古有今日，
讀畫如讀索靖碑。江湖散人時來往，石門老屋寒可想。
梅花落筆下乘禪，唯粥飯僧能配享。

將之滬上留別藜翁先生

揮豪不暇爛病臂，冑辭僵七十。明年至精神自在，疆談
經推祭酒識字牘。中郎鑿壁分燈火，愁予別草堂。

坐上客無佛人中公是龍乾坤礙疆項金石飽羅胸白
髮秋逾落名心老更慵滄波回首處明日在吳淞

對酒

燈昏未昏晨鐘撞月落不落橫紙窗我歌宋莫少人聽
擬抱銅琶彈過江

富馬禪犀瑞熙

詩好偶然得如琴難再彈避讒才不露作尉醉相看夢
醒白雲抱饑來秋鞠餐自娛岑寂處海色照書攤

沈楚臣紹梁迢居安吉西郭

菜畦闕處種桑麻託命長鑿伴歲華且住湖州安吉縣

繞門流水桂之花剡溪風雪游乘興天姥雲霓夢到家
技蚌幾回談往事吹笳礮盾好生涯

丁亥八月廿七日贈內

山妻四十明朝過往事低徊倍可嗟曾把鉏犁規老圃
更持門戶向天涯織縑出入添裙布喫墨零星墮齒牙
醉眼却逢秋雨歇節南山影在煙霞

寄嚴履安表叔泰

立錐之地如贅疣先生寄影唯破屢興來豪飲三百甌
醉後意氣輕王侯敝裘典盡寒不愁老妻定是梅花儔
有女有女勤梳頭以水作鏡臨溪流東野失子休自讐

再索或得孫仲謀天定不煩人更籌貧居又過今年秋
陋習可笑吾山陬食以耳者張兩眸讀書幾輩聲呶謳
作橫鄉里富可求旣富樂與屠酤游那識世有貞之郵
先生憊矣神休休粹手且弗鬼怪囚芝里邨畔騎黃牛
飲泉一竇棲一邱

九日寄萬東園

未秋成候已完租聞說眉頭一事無冷笑米鹽招俗累
狂聽牛馬眾人呼東園晚色屯山脊令子書聲出竈觚
寄語迢迢松徑月重陽今夕照姑蘇

書禪犀金粟閣詩稿後

讀書好友不可及作客年年況忍饑有母黯愁秋髮白
一官閒看熱雲飛汴城懷古詩霏玉函谷驅風冷入衣
我欲約君談舊學天涯行路幾時歸

伯滔畫燕園圖見寄伯滔未嘗一至燕園而圖中
之景約略能似蓋予之園破屋數間外老樹叢
竹山石犖确而已伯滔於燕字上著想故能髣
髴亦豈尋常畫師所及哉若尋常畫師但見貴
家花園亭臺高下樹木整齊極金碧界畫之工
以畫吾園豈不爲千古笑柄於是知畫雖小道
亦貴通人才士所爲予喜伯滔畫古雅拔俗并

圖之似也題二絕句他日相遇當爲誦之

庾信園荒花可憐
幼安榻破繩牢牽
牛羊下來日將夕
雞鳴不已桑樹顛

古人不見來者誰
老屋日日樅斜暉
看山白石落復落
出門行徑微乎微

偕沈福庭胙游平山堂和乳伯先生

林鴉飛帶夕陽姿
終古揚州月上遲
醉尉自攜千日酒
青山來弔六朝祠
人經浩劫還貪佛
僧抱寒雲慣說詩
松樹廿年聞手植
西風鱗甲動之而
殘碑斷碣摩抄讀
仄徑長林窈窕攀
識字今朝容我輩

助人前度此江山淮南雲日帆拖錦海角沙燕雁入關
蠟屐衝寒期盡興莫教潭影照離顏

小金山

小金山絕頂亭子浮雲齊夕照迢迢嶺莓苔步步梯長
淮老風色衰柳古隋隄憶昔繁華景難禁烏夜啼

京口

京口月明船不譁大江東去天無涯便須挂席翦滄海
擊楫和以銅琵琶

夜游金山寺

浮雲飛不盡慙慙見明星浩蕩江天遠岑巖石氣青野

風寒破壁新月下窺亭安得巨然手遙詩上畫屏

逆風

逆風船下古唯亭一塢崑山駐晚晴坐我無聊思酒盞
迎人欲笑見江城狐蹲渡口聽冰解犬踏波心吠月明
好景前邨今夜宿櫓聲如雁落三更

移居舟中贈季仙

蘇兒索果壺兒爭福兒欲攫蝮臂檜兒弟羅歡至性古
雞犬富有遙居榮謂我何求金石刻善抱不脫風波聲
來日大難爾弗厭會計鹽米持權衡

萬閒廣廈何足貪東坡只羨彌陀龕書生習氣儘吾有

老姑食性唯爾諳
荒荒大野揮涕淚
泛泛一水游東南
燕園花鳥待歸去
苦鐵之苦終回甘

泊南翔尋檀園舊址不見

聞說檀園廢來尋
雨雪深破裘披短
後虛籟禽長吟
問訊迷風竹知寒
聽水禽黃昏理歸
權興發似山陰

又一邨看梅

危亭勢揖人頑石
默不語風吹梅樹
花著衣幻作雨池
上鶴梳翎寒煙白
縷縷

聞石墨度歲永康
得來書喜返權
羨湖作詩寄之
永康山水縣游徧
莫蹉跎令叔文翁
輩蒼顏道氣多
籜

燈話風俗古意入詩歌聞道鄉心緩殘年客裏過

負米言歸日中庭梅樹花帆收東浙雨衣帶赤城霞市

上夜呼酒鑪頭風熟茶吟朋聊慰汝崔顥昨還家

時崔懷瑾

自滬
濱歸

除夕聽雨達旦

登樓渾似登春臺除夕光陰聽雨來地底雷聲潮卷入
天邊曙色浪淘開祭詩豪盡三升酒作吏羞談百里才
隻手狂瀾誰挽得杜陵頻爲鄭州哀

海上戲作

繞脚黃塵入面沙更無隙地草萌芽亭牽白浪迎官舫

風掣紅旗過鬼車虹口月明燈閃電馬頭霞起路穿花
寓公近事荒唐說看煞多情母夜叉

雨中

屋子小牽艇雨聲低鬪雷明朝過寒食卽景是黃梅抱
朴空凡好居貧救不才鄉心無處著行繞亂書堆

宿田家

柰此月明夜愁難對酒銷人煙秋古澹風色柳蕭條屋
冷依平楚門喧抵暮潮天機何處覓側耳聽魚跳

一粟閣

岸草離披汀樹迢到門海客賞窮秋水香荷葉翻殘照

徑仄苔痕引獨游石未成羊聽說法詩來呈佛怕招尤
南鄰擬辦千金買薄采磯漁好自由

飲南墅諸老

射眼滄波冷橫秋老鞠香林風對溫酒處處古重陽柳
折脆如蕩鐘鳴催落霜淹留非我願此會益神傷

缶廬詩卷三終

缶廬詩卷第四

安吉吳俊倉碩

鶴澗詩龕圖爲澗民題

揖別香鑪峯來吟鶴澗松
離奇詩作虎上下爾猶龍
遠水當門落幽棲鑿壁容
蒲團篝火坐高詠到晨鐘
晝裏尋輓跡吾生歎不如
殘年莽風雪一舸又遙居
古調論詩晚衰顏入夢初
縣知孤嶼鶴來往不生疏

題水閣

雪聲雨聲窗紙喧
夢醒獨坐花南邊
撞鑼巡夜警兩耳
搖鼓賣餠爭一錢
因人自覺驢技短
顧影正舞雞鳴先

狂來慎弗歌，偈仄脚底。且任魚龍眠。

書劍門詩稿後卽送之甫上

俗詩紛紛取人媚，西江老劍坐顛顛。裹飯脚踏東浙山，
傷友手揮北邙淚。柁舟深入明聖湖，鶴澗亭邊十日睡。
結茅念與鶴同夢，使賣文錢不惜費。前年識君常買醉，
今年但說受詩累。稿草囊中刪欲無，格律毫端老逾細。
讀書我未數卷破，刻畫金石徒好事。有時與君下詩戰，
敗北倉皇吁可畏。君曰：茲道如用兵，敵無輕視。詩亦類，
惜哉我詩太娛戲。當前未飽一鼓氣，濁醪且盡江千屢。
衰柳惱人纏別思，遠行胡爲當歲暮。洗眼浪濤尋活計。

狐裘衝寒風
禿盡冰雪叢
中骨礚礚
四明山翠黯不開
想見吟詩澹爲貴

滬北道中遇大雷雨

利鏃著衣雨
黑塵吹海風
人容雞鬥敗
車力馬騰空
物長春雷外
寒生暝色中
此時思大厦
十倍杜陵翁

輓茶礚山人

我友汪倫善閉關
不期死別古雲閒
眼穿鄧尉梅花落
愁浸西湖月子灣
投老茶禪翻闕佛
拂筵酒氣慣談山
縱然入夢添惆悵
顛倒裳衣寂莫顏

江花江柳路迢迢
一縷游魂令弟招
歸骨長州全故我

備書短檠棄今朝筆端鬼趣蟲天志眼底吟朋鶴澗樵
作蟲天志未竟謂可談詩者唯澗民一人身後狂名如李白可憐明月待誰
邀

天津三烈婦詩

先皇昔中興風化及閩闈天津一隅地七年見三烈王
兆霖婦金割股療夫疾初割夫病愈再割命難脫鬼伯
肆殘刻恩愛中路割藁礎返無期鸞鏡殘月缺兒女無
可戀香魂去飄忽當其割股時一死志蚤決天地見握
刃凝脂脆寒鋏血痕漬羅襦神鬼爲凜慄藥鏹一嚮肌
絜逾太華雪中幘有至性聞者肝腸熱慶蘭妻氏周夫

死姑白髮含淚代子職聊慰姑慘怛嚶嚶雄雞鳴寒風
吹燈滅旭日照帷幙問膳侍梳櫛煢煢孤棲鵠返哺比
烏切堂上姑身健地下夫目閉長年易悲損一病赴冥
沕高堂冷盤匱徒爾守苦節從容就大義白日貫雌蜺
痛姑實殉夫甘碎金石質黃泉聚骨肉遠勝生離別孝
至情亦盡千古名矧律王恩黻妻金嫁夫隨遠出遙遙
別桑梓旅食江湖濶日暮登高樓翹首故鄉月鴛鴦一
朝隻夫壻嗟不祿銜哀載桐棺衝霜待明發登山峻斷
腸穿樹鵲啼血關河路千百故里返新骨出如花並蒂
歸比草獨活嗟嗟未亡人大事旣已畢生前比翼鳥死

願卽同穴安排一坏土與世永決絕青燐聚熒熒長夜
雲似漆三烈魂同游落木風颯颯嗚呼烈婦烈鼎足立
天日先後事不同絕粒死則一啾啾胃神哭飢蟲齧腸
裂乾坤繫綱常閉氣偶一泄至今二十載萬口尙傳說
熙朝盛文學豈乏燕許筆南山石嶙峋書作墳上碣

潛園

竹瘦依人老山寒比佛尊裴回孤鶴下笑語一池溫
架書連屋蘋州水到門再來愁失路題句古松根

棧壁山

雨過靜鳴蟬蒼蒼古木煙泉聲飛半壁山勢抱圓天屋

小編黃竹民良稅薄田草堂應待我歸計碧蘿牽

上海西郭紅芙蓉盛放作英要清曉往觀同作

古鏡開池水荒條抗草廬秋光紅莫辨朝日與芙蓉人
影衝鷺鷥歌聲識捕魚相期湖上宅菱蕩雜盤蔬

衛鑄生鑄將赴新架坡出南游話別圖屬題

鑄老下筆騰蛟虬鑄老放筆唯好游昨日之日踏東海
發興又復乘清秋雲帆直指南荒野行色倉皇滬城下
檳榔之嶼新架坡上當赤道蒸炎赭地氣人俗異中土
從來名士至者寡君獨往游恣絕鑿豪情不減揚州鶴
噫吁噫丈夫不封萬戶侯當行萬里路天涯海角未云

遙大塊茫茫幾朝暮

淫雨

淫雨天難補窮秋穀不新囊空乞米帖飢聚告荒人魑
魅登樓喜黿鼉見日嗔近聞下明詔澤國賑災民

遲鴻軒呈藪翁先生

到眼無長物登堂類古初奇文諸子筆餘事八分書迎
客屣倒著說詩頭爛梳原非甘肉食休笑出無車

田家

溪淺樓根插雲深鳥蹟樓長林風濯濯碎石響哇哇雨
過亭窺竹庭喧壁墮泥枯桑伴寒色粥粥下荒雞

歲暮口占

珍重曹瞞對酒歌
光陰殘臘又消磨
救時藥少三年艾
學道禽虛一目羅
夜夜海潮醒夢蚤
層層襪被裹愁多
此身朽木休同視
曾伴梅花宿湖阿

贈澗民

香葉茶禪別淚彈
眼前唯賸酒盃寬
讀書靖節不求解
伴鶴林逋如此寒
坐比遼東穿木榻
游拚海上拂漁竿
何年握手詩龕去
白石青蕪湖底餐

予索伯年畫照題曰酸寒尉像頂涼冒衣紗袍鞋
端立拱手厥狀可哂與予相識者皆指曰此吳

譚復堂先生疏柳斜陽填詞圖

復堂詞料何蕭瑟滿眼寒蕪日影低茅屋設門空澆水
柳根穿壁勢擎溪倚聲律細推紅友問字車多碾白隄
最好西湖聽按拍酒船撐破碧玻瓈

贈復堂先生

種柳紅塵隔填詞白屋温天寬容故我地闢閉闢門冷
抱篋中集涼開湖上尊歸來陶靖節松菊想猶存

送鄂晚香孝廉傳璞主講瓊臺書院

聞說瓊臺水氣中草痕吹綠仗春風名臣傳續海忠介
謫宦魂招蘇長公酒瀉柳盃消瘴母經開榕社化黎童

眼前別意馮誰數垂柳垂楊遍浦東

疆飯

疆飯能驅病禁寒慣典衣打頭朝雨下梳髮旅塵飛潮
影白沈屋石苔青刺扉無人慰寥落梁燕語依依

贈廖教泉丈綸

我思徧訪摩崖刻無奈吁嗟蜀道難道氣逼真梅樹古
童顏如飽茯苓餐偶醒鄉夢吟初穩快讀奇碑拓未乾
誰識眼中滄海小幾回來把釣漁竿

公周畫匊器梅花茗具索題

琴川之水瓶滿儲石梅之花資雅娛瓷壺手把詩興足

髣髴石鈿依髻蘇蒙莊談道在瓦甃沈侯好古天下無
偶然作畫誰敢讀求讀此畫先讀書古文奇字寶器腹
倘可拓墨綿紙黏攷古幾人具隻眼几案供教泥厭粗
骨董貶價任談說天青白靛窯變初簠齋愛藏三代物
謂山東陳一甸器抵千瓊琚彼射利者肆作偽商周而
上兼唐虞敝廬土缶腹較大折枝難插唯種蒲毫端欠
古貌不出吟罷坐使春風孤何如買權訪君去五六七
盃傾茗壺拍手笑倒長鬚奴

金孝女詩

至性屬巾幗堅若石之砥母喪父不娶事父不離跬拋

鏡事炊汲篝燈繡羅綺弟書熟躬課父目明舌舐艱難
任一身甘旨具十指立誓不字人四十在室死古人誰
媲美北宮嬰兒子男兒絕裾者無迺類有泚

劍門空羚詩思圖

蜀中山水天下奇空羚之峽尤險巖懸崖絕壁峻鳥悲
瀑布百丈垂虹霓古人題詩不可見想見白雲如雪飛
老劍蹤跡半天下石棧千盤思躍馬紀游詩卷牛腰粗
胸中勝境圖中寫披圖令我神灑灑世上浮名如斷瓦
何時三峽飛一舸更尋子美舊草堂浣花溪上同君坐

長江夜泛

潮頭高潑海門青，鍊甕金焦掌樣平。
蕭寺六朝浮水去，旅人一枕聽鐘鳴。
槩橫江浦陳陳感，兵老臺城荷荷聲。
弔古詩成將進酒，接天蘆荻和悽清。

登大觀亭弔余忠宣墓

余闕初謚文忠，明初改謚忠宣。按元史城破闕引刀自剄，墮清水塘中，妻子俱殉。

皖山伏生龍，草木氣鬱蒼。嶺表塵霧收，步出西城岡。
江寒浩蕩浮，亭翼高空翔。有元余忠宣，古墓秋草黃。
當時守孤城，血戰愁三光。外無片甲，援羣盜如豺狼。
城陷抽鞞刀，身墮清水塘。讀公青陽集，浩氣扶綱常。
雄才非文人，誰例鮑謝行。小吏貪賦詩，氣骨能開張。
千里一權游。

船載李賀囊狂態公弗嫌來夢倘見商藤昏徑偏仄雲
白秋蒼茫濤崩采石風木落蕪湖霜澗水響嗚咽月墮
天荒荒

海上九日借病鶴石墨登萃秀堂假山

膩屐苔痕軟鈎衣石塊牢眼邊誰送酒客裏共登高暝
色隨歸雁閒情謝剝螯吟詩對滄海愁絕水滔滔

詠物分得天竹

歲晏霜雪盛天竹紛敷抽轉眼江南春麗色輝牆頭頽
子綴萬珠如迸安石榴光榮眾卉寂雨折孤根讐不如
酌杯酒賞異江上樓莫待春盡時墮子鄰家溝

琴河聽雨圖爲張蓉江

獨往客何好高吟才不凡江湖無老屋歸去少長鏡雲
板破山寺天風拂水巖愁人聽不得況著雨聲攙

哭紫明先生

庚寅三月八日紫明先生病歿京師歸安戴笠
青孝廉翊清集贈歸櫬餘資謀刻詩文遺藁

今春上長安行李載一肩破書高過身瘦骨風塵顏逆
旅坐相對強飯殊昔年名心病不已仰視蒼蒼天風雨
送登程別淚雙眼填黃浦三月暮綠樹悽啼鶻惡耗傳
江南孤情天北懸豈意此一別遽盡今生緣臨風哭失
聲失聲摧心肝

無子不足悲無家何所因悽悽骨肉情翻若陌路人魂
欲藏故山葬喪誰發仁卧棺古寺旁野鬼啾啾鄰平生
南北游帆敝車摧輪劉蕢例不第阮藉長噫貧貧病久
見欺道蹇竟沒身哭位淚已枯挽歌喉不伸燈昏夜雨
疾窗竹聲斷斷

四月北鴻至發書感盛情仗義戴孝廉集賻歸遺形歸
途計餘資遺集鐫可成相將理行篋賸稿飛零星夫子
詩若文今世誰許鳴藪叟撥朱弦彈作古調聽藪叟我
師範戴子吾友朋知音所貴稀千載留芳馨銘旌魂飄
飄蓋棺天冥冥悲哉金石軀一朝殉浮名

飲魏塘田家

樂喧瓴缶會高朋
紫芋青蒲爛熟蒸
在手酒盃酬老圃
戴頭花朵摘秋藤
犬聲號斷穿林月
牛鼻噴翻挂壁燈
輪爾南邨先卜宅
魏塘亭子覬吳興

哭香禪居士

自哭香禪死吟詩句不成
抱殘金石刻來夢水風聲

題聽風聽水填詞圖塵冷北窗榻書遺南面城
汪倫應把臂謂茶

泉路重交情

鄞吳邨詩夢中作

玉華峯抱天梯入石馬嶺登樵徑通川湧似翻斜谷出

邨虛還墮劫灰中耕荒叱叱驅晨犢倚樹沙沙落晚蟲
秋興蒼涼吟不得年年棲鳳失梧桐

庚寅十一月奉檄赴粥廠給流匄綿衣

黃綿布襖稱身裁匄者胡盧笑口開隨意且游簫市去
有人曾食肉糜來送窮韓愈翻多事辟穀留侯太費才
嗚爾一聲聽不得嗷嗷肯作雁鴻哀

寄公周

命酒伸豪氣圍鑪暖曲身屋輝投海月愁散憶詩人矯
首霜中樹論才帝外臣何時理芒屨江路躡春申

尋興

白鳥翻寒色紅旗凍朔風
點車潮上下尋興郭西東
隱者柳盈戶菜傭園數弓
平生論活計遲爾信天翁

嚴家橋寫望

冬十二月春雁啼嚴橋行色晚
悽悽潮枯斗碩量溝水
地瘠蒲蘆損菜畦循例殺羊邨
賽社隔窗游鬼豕穿隄
經霜楊柳還媮眼寶瑟明珠向浦西

曉渡黃浦

曙色海南邊雲濤裏萬千江
豨吞落月塞雁點寒天
草淺泥沙沒帆深浦激牽縱由鷗別去我與我周旋

和石墨皋橋之作

墨侯古狷者肥遯皋橋村看鳥踏林雪聽風排海門夜
長詩擬古愁破酒添溫醉抱枕頭卧離奇老樹根

展拜 先人遺像泣賦二首

辛酉小除日半山隨大人

半山在孝豐東鄉

飢分緩食果險與

鬼爲鄰廿載嗟無怙他鄉苦食貧畫圖重展拜梅樹亦
靈椿

壬戌立秋節慈親病不瘳無棺埋石塢有妹哭山頭亂
定孤兒返携鋤白骨收卽今翻作客淚眼背松楸

野梅

梅花照影清淺溪玲瓏碎玉嵌玻璃日斜人影亦在水

驚醒翠禽悽一啼

蓮塘曲

蓮葉古鏡秋波貯
蓮花古月秋風舉
古月古鏡顏色好
拍拍鴛鴦照同處

蓮子苦心儂苦口
儂心有節比秋蕩
盼郎歸時乘早潮
潮來不來黃昏後

上憲齋大中丞

文章德業傾中外
節鉞馳驅半九州
至竟河流能底定
不談經濟著成謀

銅柱聲威古莫仇
中丞奉使定中俄
地界刻銅柱紀績
與安界畫述
皇

猷裴岑碑與龜茲刻一樣題名遜一籌

石墨小像

道人種松樹一徑莓苔侵大有箸書意非徒抱膝吟浮雲過白眼古調拋青琴省識蕭寥趣龍湖深更深

立雪閣

作尉輸常建來遊似破山禪房花木底涼意寂寥閒詩境茶澆苦情天佛共閒滄洲渾欲雨古壁聽潺湲

周萊仙買醉圖

不醉無歸去滄江浩蕩遊酒杯似明月照著滿身秋伴逐持螯卓狂嗤荷鋤劉吾鄉比風趣老輩一榆樓

奚虛白先

生居榆蔭樓
自號酒奚

沈稷臣先生瑚寶黃華共醉圖

一粟闔前三兩邨東塗西抹酒盈樽
秋風醉倒無人管
一個微官比佛尊

薄秩無多夠酒錢夕陽扶醉綺羅天
商量蘆子城邊屋
且爲黃華住一年

病中寄馮梓臣鋒

聽雨作僵卧方牀牢結繩藥煙浮古屋
海氣壓昏鐙兩
大眼看破一寒愁病增平生杯在手
羨爾客無能

白菊

秋菊燦然白入門無點塵蒼黃能不染骨相本來真近
海生明月清談接晉人漫將酤酒去看到歲朝春

浦東農家

貧居有餘樂來日漫興悲酒色鵝兒似山形豆子爲錢
荒爭賣犢牀弊穩支龜守拙無過此陶潛詫爾誰

立雪閣和梓臣韻卽示真參僧

柳眼盼新晴如人渴睡醒涉江官渡晚題竹佛鐙青齋
散鳥求食月明魚聽經客歸門掩處應有白雲停

夜游

夜遊那有承天寺寂寞荒涼此地過翁仲避人眠草野

狐狸拜月上坡陀尋春斷岸橫枝少買醉澄江變酒多
我欲自宏蕉葉量曉星明處一高歌

趙釐侯補情圖

填海仙禽修月斧月無長滿海無涯人閒更有情難補
空對春風解語花

紅豆江南種已遲春愁擺脫一絲絲天涯情種人誰識
老佛拈花一笑時

藪翁先生命題鄉先輩嚴修能先生自寫文稿

乾嘉老輩漸云徂手稿清腴玉不如茗上劫灰如可撥

榆樓尤重摩窠書

先生工書榆蔭樓額卽其手筆

蘆簾土銚移居日

抱段

王錢

江竹

梁山辨難時

一卷娛

親真性在吳羗山色對舒眉

箸作空傳子若孫等閒難爰一詩魂搜羅賸有潛園在

存齋觀察爲

風雨拏舟石冢邨

文章骨相演羣經讀罷渾如擁百城眼福突過了處士

來書謂丁月河處士屢欲假觀是冊而未果

寓庸齋內老門生

立雪閣僧招飲

老嫻看雲僧招予佛寺行渴消憑酒力詩在得狂名多
竹門難款無山氣已清龍華一片月只隔水盈盈

吳秋農穀祥瓶山畫隱圖

水石師王宰丹青真迹留言尋
缶居士共語瓶山頭落
葉鐙前雨披襟天下秋
嗟予湖海興孤負白蘋洲

贈萬蘋波

十月北風作天晴
唳曉鴉孤帆懸碧落
一浪捲蘆花有
客詩爲壽無貂酒
竟賒蘋波添幾頃
忘却浮家

登蘆子城

木落天高歲苦寒
崔嵬城闕倚闌干
眼前風物悲遊子
行處滄浪憶釣竿
蒼狗變雲辭朔漠
夷羊戲海溢波瀾
一杯痛飲蒲萄酒
寶劍淒涼拭目看

卽事

今月言身
三
范蠡辭西子陶潛戀北窗葉黃乾著樹潮黑力翻江飲
水自然飽一寒誰見雙吳儂拚夜譙踏鼓聽逢逢

楊南湖語石齋圖

詩空杜陵叟畫割吳洲雲聞着南湖法石頭張一軍禪
心通虎阜真相識羊羣袍笏供誰拜頽然倚夕曛

畚吳彥復保初

一彈再三嘆海上獨攜琴醉尉悲無酒成連識此心懷
人坐中夜寄淚託長吟問訊春江水離情深更深

缶廬詩卷四終

盧別存

光緒十九年夏
五月藉端
况題



缶廬別存自序

予者古磚細於資不能多得得輒琢爲硯且鑄銘焉旣而學篆於篆者獵碣旣而學畫於畫者青籐雪个自視無一成就而諸君子或謬許之因集獵碣字爲聯以應索篆者畫則信手塗抹亦信手補詩於其隙昔者青籐雪个得意之作必有題詠予不論工拙趁興而已數年來銘與聯與詩積頗富姑存十之二三畧曰別存別存者可存可不存者也夫東施醜女也愛已之心勝竊以爲與西施等美矣夫天下不皆西施豈東施老而不嫁哉有醜有美請俟眞賞癸巳春二月昌碩自題

缶廬別存 題畫詩

安吉吳俊昌碩

荷花寄井南

雪个畫荷潑墨甌許著紙上以秃筆掃花生意
盎然但少香耳此畫擬之可爲知者道

荷花荷葉墨汁涂兩大不知香有無頻年弄筆作狡獪
買櫝日日眠菰蘆青藤白陽呼不起誰真好手誰野狐
井公持去挂粉壁谿堂晚色同模黏

爲香禪畫梅

香禪居士性好梅有林逋之風喪偶不娶亦絕

相似豈逋之後身耶拏舟載酒觀梅山中歸出
長歌示予索畫揮醉墨應之昔逋仙以梅爲妻
予畫拳屈臃腫醜狀可哂與梁伯鸞椎髻之婦
殆髣髴也投筆大噱

羅浮夢醒春風賒筆底厯亂開梅花青虬蜿蜒瘦蛟立
冰雪點點迷橫斜千枝萬枝碾寒玉缶廬塞破窗黏紗
江城五月動寒意放筆擬泛梅谿查梅谿梅樹漲山野
迢種記撥蕪園沙蕪園劫餘有老物補卅六株爭槎枒
別來夢想不可見故鄉隔在天一涯前年臘月暫歸去
著花猶未過鄰家翠羽啁啾不知處最惱人意山城雅

離奇老榦欠收拾勢壓亭子穿籬笆江南作尉醉亦可
所嗟不學就風華七年鄧尉未一到香雪海聽香禪誇
囊中詩句動驚俗時吐光怪杼寒葩偶思畫意偏好古
潑墨一斗噴煙霞鐙前月下見道氣入坐老輩同乾嘉
請君讀畫冒煙雨風鑑正熟盧仝茶

沈公周書來索畫梅

近人畫梅多師冬心松壺予與兩家筆不相近
以作彖之法寫之師造化也瘦蛟凍虬蜿蜒紙
上公周見此必大笑曰非狂奴安得有此手段
孺扁幻作枝連蜷圈花著枝白璧圓是梅是彖了不問

白眼仰看蕭寥天夢痕詩人養浩氣

公周一字夢痕

道我筆氣

齊幽燕書來索畫莽牢落不見兩月如隔年昨為香禪

作屏障餘興尙逐春風顛苔梅數本恣荒率冰花亂落

蒼崖縣畫之所貴貴存我若風遇簫魚脫筌聞雲野鶴

此其似肉眼安識姑射仙惟君好古有同癖不厭滌草

翻垂涎寄君一幅伴老柏

公周家有數圍古柏蓋明初時物也

水痕墨氣

皆雲煙虞山闕處露殘月君家古壁龍蛇眠

予欲寫吟詩圖謂必極天下枯寂寒瘦之景方能

入妙苦無棄本丁亥初冬寓黃嶽浦上夜漏三

下妻兒俱睡熟老屋中一鐙熒然光淡欲滅缺

口瓦瓶菽經霜殘鞠憔悴如病夫窗外落葉雜
雨聲瀟瀟倏響倏止可謂極天下枯寂寒瘦之
景才稱酸寒尉擁鼻微吟佳句欲來時也卽景
寫圖不堪示長安車馬客遠寄素心人共此清
況

鐙火照見黃華姿閉戶吟出酸寒詩貴人讀畫怒曰嘻
似此窮相眞難醫胡不拉雜摧燒之牡丹徧染紅燕支
爲諾上人畫荷賦長句

佛經有五色蓮花青黃赤白猶具色相故予畫
荷皆潑墨水氣瀼泱取泐雪个諾公桑門之好

古者定能求之象外

墨池點破秋冥冥苦鐵畫氣不畫形人言畫法苦瓜似
挂壁恍背莓苔屏白荷花開解禪意點綴不到紅蜻蜓
前川風雨今年惡渡口一倍寒潮生翻翻荷葉亂秋思
過耳蕭瑟難爲聽諾公好古乃有獲手拓萬本經鐘銘
諾公藏有周離奇作畫偏愛我謂是豕籀非丹青兩無
邾公經鐘補齋足生意具區秋水來滄溟木犀香裏定一到
迢嶺更乞香禪并乞取蔬笋參米汁一飽聽說蓮花經

巨幅紅梅

畫紅梅要得古逸蒼冷之趣否則與天桃穠李

相去幾何一落凡艷羅浮仙豈不笑人唐突
鐵如意擊珊瑚毀東風吹作梅花蕊艷福茅檐共誰享
匹以盤散尊罍盃苦鐵道人梅知己對花寫照是長技
霞高勢逐蛟虬舞本大力驅山石徙昨踏青樓飲砂倡
竊得燕支盞調水燕支水釀江南春那容堂上楓生根
公周饋象筍作畫報之

象筍出虞山瑩白如象齒故名四月初山童攜
鉏蒨之公周寄五十枝遠慰老饕來書云松菌
覓未得故結語及之貓頭筍我鄉所產亞於象
筍也

孟夏雷雨振聲響出山谷山中草木長櫻筍一時熟故
人天機清服菽遺拘束爲憐塵網人遠寄林中玉白蒼
象齒瑩短過貓頭縮傾筐土亦腴題字墨猶溽牆頭詫
異香竈下誇眼福況當病肺來下箸頗宜粥何者爲禪
機何者爲理軸撐腸而柱腹一飽無遺欲涓涓琴川流
籊籊虞山竹嵇阮今誰何感子媚幽獨報以水墨圖稍
補雲煙幅松菌儻萌芽新詩猶可續

郭外觀荷風雨颯來借野老笠戴之折花行隄上
歸寫圖未題詩先有詩意也

橫塘十里破荷葉秋雨著來點點急白荷花搖香可吸

冒雨何妨片時立杜陵野客卓吟笈

爲栖霞嶺頭陀畫梅

昔游西湖下榻栖霞寺中寺僧朴野知敬客予
不能談禪語以詩若解若不解時山花盛開相
攜踏月拂苔坐頑石俛視湖光如一鑑風穿苑
林香墮襟袖相對甚樂焉風塵犇走別來數歲
遠寄側理索畫回首舊游如在夢寐爲掃繡花
老幹結一重翰墨因緣他日重游湖上當磨墨
汁數十斛爲畫佛殿半壁也

苦鐵苦受梅花累草堂寂歷求酣睡人間何事貴獨醒

苦以冰霜滌腸胃山僧斲墨遠道寄緜枝索兒孤山寺
二月春寒華著未下筆恐觸造物忌出門四顧雲茫茫
人影花香忽相媚此時點墨胸中無但覺梅花助清氣
枯條著紙墨汁乾時有棲禽落遠勢當年木榻迤棲霞
記得裏湖同寢饋嶺上月色遲不來行脚从之踏寒翠
莓苔同坐香同參上乘禪能通一鼻別淚春來揮幾度
忍餓空山定憔悴媿無粥飯共朝餐畫裏梅花足心醉

紅梅鞠華鐙歲朝圖

己丑除夕閉門守歲呵凍作畫自娛凡歲朝圖
多畫牡丹以富貴名也予窮居海上一官如蝨

富貴花必不相稱故寫梅取有出世姿寫鞠取
有傲霜骨讀書短檠我家長物也此是缶廬中
冷淡生活

南風薰鼻霞氣馥青鐙熒熒照板屋堆書古案靜如拭
著樹春光紅可掬鐙前奉母一枝折頰虬蠕蠕瘦蛟縮
兒童奇貨比顏色瓦盆抱出重陽鞠倉卒恐汗寒具油
忙煞山妻收卷軸長鬚奴子背鐙立嬾若鬥雞莩成木
守歲今宵拚閉門門外人傳鬼聚族衣冠屠販握手榮
得肥者分臭者逐道人作畫筆盡秃凍燕支調墨一斛
畫成更寫桃符新爆竹雷鳴起朝旭

寓居無花木欲求一枝作清供不可得
藜翁齋外玉蘭盛開折以惠我汲井華水貯古缶
菽之香滿一室翁索畫爲花寫照畬之韻事也不可無

詩

晨鐘未報樓閣曙牆頭扶出玉蘭樹南鄰老翁侵曉起
持贈一枝帶曉霧卷簾遙望忽却步疑來蜀后宮中遇
貞白無慚靜女姿醲薰乍覺芳蘭妬妻孥指點畫不成
明月欲滿光難鑄感翁惠重索我深借使春風開絹素
老梅雪落垂柳金子雲宅畔春無數願從日日花下游
一日看花三百度

初春寒甚殘雪半階庭無花甕無酒門無賓客意
緒孤寂瓦盆杭蘭忽放一花綠葉紫莖靜逸可
念如北方佳人遺世而獨立也呵凍圖之并煮
苦茗潤詩腸寵以二十八字

苦寒天氣一花開讀罷離騷子細猜却似奇窮孟東野
低頭下拜有誰來

蒲萄

青藤畫奇古放逸不可一世似其爲人想下筆
時天地爲之低昂虬龍失其天矯大似張旭懷
素草書得意時也不善學之必失壽陵故步

蒲萄釀酒碧於煙味苦如今不值錢悟出草書藤一束
人閒何處問張顛

蕪園老梅古苔鱗皴橫卧短牆作渴龍飲溪狀每
風吼花落疑欲飛去天寒大雪最緜枝壓折墜
鄰家擊檻悲歌無以喻我懷也忽剝啄聲甚亟
鄰翁甕水救折某亶亶然抱觀凍蕊殘英與白
鬚眉相映向予嚶啁自謂能惜花予笑謝之嗟
乎當某折未殊纏以麻封以泥春氣發生猶得
相聯屬今斷置甕中不過爲几案間數日翫失
其性矣對景寫之并題長句志懊

燕青亭底狷蛟宿吸水能盡馬家瀆蒼然皮骨化古某
巖石一穿身一曲記得別時花落時蕭蕭散散燕園屋
主人出門憫幽獨付託鄰家多種竹昨宵入夢花光寒
恍踏愁雲仰崖谷李杜交情世難得況爾某花最忌俗
鄰翁叩門報大雪竹固依然某受辱萬花未落一枝折
樹脈已斷膠難續黃泥破甌兩手抱冷蕊叢叢凍香玉
鄰翁惜花翻助虐我欲呼天舉滕六風寒月落春夜深
應有花魂根下哭澹墨聊當知己淚貌出全神此長幅
殘鱗敗甲好護持莫再人間遭手毒

蟠桃壽猿翁

此桃非人間果乃西王母羣玉山上三千年一
結實之桃也若世俗園林所生安足奉我猿翁
哉老缶非有東方曼倩伎倆不過段筆墨遊戲
以博一笑

千年桃實大如斗潑墨成之吾好手僊人饒涎挂滿口
東王父與西王母猿翁先生七十壽人將進酒翁弗受
海上桃熟媮無多供我桃花添一缶桃花灼灼易結子
草元亭畔娛黃耆翁飢食桃如食棗安期生說神仙某
翁不求仙但好古箸書遭遭騎牛走賣字得錢更買書
佐臨池外書下酒赭顏如花老不醜

雪中拗寒梅一枝煮苦茗賞之茗以陶壺煮不變
味予舊藏一壺製甚古無款識或謂金沙寺僧
所作也卽景寫圖銷金帳中淺斟低唱者見此
必大笑

折梅風雪灑衣裳茶熟馮誰火候商莫怪頻年詩嬾作
冷清清地不勝忙

予喜畫荷葉醉墨團團不著一花如殘秋泊舟茗
雪閒篷窗聽雨時也

避炎曾坐芰荷香竹縛湖樓水繞牆荷葉今朝攤紙畫
縱難生藕定生涼

醉後寫桂

推窗眺望秋月正皎樹閒金粟垂垂清香襲衣
袂疑是吾畫通神大笑叫絕

畫稿蒼寒潑麝煤正逢海上月初胎木犀香否今休問
上乘禪真在酒盃

公周索畫菜復屬補書一帙於旁予問其意謂真
讀書者必無封侯食肉相祇齧得菜根耳是言
雖遊戲感慨係之矣

菜根長咬堅齒牙脫粟飯勝仙胡麻閒庭莪得秋樹綠
任攤卷軸根橫裘讀書讀書仰林屋面無菜色願亦足

眼前不少愷與崇
盃鑄黃金糜煮肉

缶廬藏漢魏古甃
數事琢硯供書畫
苦寒水凍筆膠不
能下兒童戲供水
仙於上天然畫稿
也擁鑑寫圖題小
詩補空

缶廬長物惟磚硯
古隸分明宜子孫
賣字年來生計拙
商量改作水仙盆

客有言大庾嶺古
梅齊梁時人植花
開香聞數里碧蘚
滿身龍卧巖壑間
一夕爲雷火燒而
枯作薪久矣山中
老道人能指其處
述其狀甚異客去
以敗筆掃虬枝倚
怪石天矯駭目雖
非庾嶺

千數百年物亦豈尋常園林山谷所有老缶畫
梅十年從無此得意之筆長歌激越庭樹棲鳥
皆驚起安得浮大白與素心人共賞之

老梅天矯化作龍怪石槎枒鞭斷松青藤老人畫不出
破筆留我開鴻濛老鶴一聲醒僵卧追躡不及逋仙輓
拚取墨汁盡一斗興發勝飲真珠紅濡豪作石石點首
倚石寫花花翻空山妻在旁忽贊歎墨氣脫手椎碑同
蝌蚪老苔隸枝榦能識者誰斯與邕不然誰肯收拾去
寓廬偈仄縣無從香温茶熟坐自賞心神默與造化通
霜風牽帷月弄曉生氣拂拂平林東

荷

出汙泥而不染有君子風何時買陂塘徧種此
花臨水結茅爲長夏閒吟之所

香徧三千與大千青蓮能結佛因緣何人夢上花趺坐
一夜同參畫裏禪

鞠

泉明采後此花屢見篇詠可見物以人重

九月誰持賞鞠盃黃花斗大客中開重陽何處籬邊坐
雨雨風風送酒來

菜

山居冬日蚤起呼童鉏數把下飯齒頰清寒有
霜露氣比來海上賣菜傭隔夜以水浸之大失
真味令人欲不思鄉得乎

花豬肉瘦每登盤自笑酸寒不耐餐可惜蕪園殘雪裏
一畦肥菜野風乾

梅

野梅古怪奇崛不受翦縛別具一種天然自得
之趣予蕪園所有如此

空山梅樹老橫枝入骨清香舉世稀得意忘言閉門處
墨池冰破凍虬飛

畫牡丹易俗水僊易瑣碎惟佐以石可免二病石不在玲瓏在奇古人笑曰此倉石居士自寫照也

紅時檻外春風拂香處豪端水佩橫富貴神仙渾不羨自高唯有石先生

老梅怪石

梅根入石枝幹堅瘦石得梅而益奇梅得石而愈清兩相藉也於是知君子貴得益友不可孤立

老白渡口潮渾渾踏浪招得梅花魂雪壓一林天孕月

夢醒五夜愁挂邨臨池惜無畫水力穿石定有擎谿根
我所思兮酌清醕膏騰一醉眠苔痕

春夜梅花下看月花瓣皆含月光碎玉橫空香沁
肌骨如濯魄於冰壺中也但恨無翠羽啁啾聲

和予新詠

梅谿水平橋烏山睡初醒月明亂峯西有客泛孤艇除
却數卷書盡載梅花影

蚤梅遲鞠臭味尤覺酸寒是我歲寒交也短檠二
尺便且光夜深常對之苦吟故并入一圖彼華
鐙照珠翠艷歌繞梁宵飲達旦者未嘗夢見此

境試舉示之必生惱怒

梅花屈彊黃花瘦誰伴蕭齋絕世姿聞說人人拋短檠
墻頭竈下拾來時

墨牛

牛爲大物狀絕可厭友人屬作褒辭黑牡丹亦
遇知己可以無恨矣呵呵

劫後荒田耕遍家家戶戶還租莫道一牛蠢物曾陪老
聃著書

帘影杏花邨畔笛聲楊柳陰邊何日卷書歸去朝朝牛
背熟眠

用拙一酸寒尉習嬾如水牯牛識字耕夫何處吾將山野同游

牡丹

謝康樂言永嘉水際竹間多牡丹彼時尚不以爲重至唐開元中始極盛至今沿之予謂有色無香大似不通文墨美人尊爲花王貯之瓊臺金屋僥倖太過

酸寒一尉出無車身閒乃畫富貴花燕支用盡少錢買呼婢乞向鄰家娃

枇杷

花曰蠶客果名蠟兒真似的對品之劣者極酸
能使人齒軟何止嚼蠟無味

五月天熱換葛衣山中盧橘黃且肥鳥疑金彈不敢啄
忍飢空向林閒飛

桂

色香味俱佳秋花中仙品月中所生乃叢桂之
祖而帝使吳剛斫之不已豈非殺風景事我欲
使道士上奏綠章乞免此役

月中老桂枝輪困丹華碧葉壽萬春偶然寫出不能似
應使嫦娥冷笑人

蕉

夏障日秋聽雨雪中作畫稿甘露可飲葉可學
書有益於人甚大東坡愛竹謂不可一日無此
君子欲迨此語贈蕉

今人誰解爲草書綠天無僧蕉葉枯窗前新種兩三木
夜聽秋雨思江湖

水仙

此花中之潔者浚波仙子不染點塵香氣清幽
與寒梅相伯仲蕭齋清供斷不可缺六朝人謂
之雅蒜大可軒渠

谿流濺濺石哈呀
菖蒲葉枯蘭未芽
中有不老神仙花
花開六出玉無瑕
孤芳不入王侯家
芭蘿浣女歸去晚
笑插一枝雲鬢斜

除夕不寐挑鐙待曉
命兒子檢殘書試以難字徵
一年所學煮百合充腹
百合一名摩羅春
白花者根如玉蓮花食之益人
肺胃勝屠蘇酒十倍也
雄鷄亂啼殘臘將盡
亟呵凍寫圖吟小詩紀
事詩成長光入牖
爆竹聲砰然狐裘貂冠客挾
刺賀新年輿馬過門矣

臧書換米贖已稀
酸寒一尉將何依
守歲篝鐙照虛壁

傳聞翻說吾道肥吾道不肥今復古百合滋味同清苦
贏得梅花窗外開畫裏何須折來補

已丑九月閉戶致疴客送甕頭春至酌酒把鞠花
陶然獨醉醉後作畫酒氣拂拂從十指出也秋
雨不止吳越有荒象送酒者殆似裹飯食子桑
矣吟五言題紙端聊以自娛

今秋苦淫雨大水淹秫田市中酒價貴一斗三百錢鞠
圃亦已荒碧草腐芊芊黃鞠大如盤買自載花船自笑
酸寒尉得此同登仙有花復酌酒聊勝飢看天叩缶歌
嗚嗚一醉倚壁眠酒醒起寫圖圖成自家看閉戶靜相

對空堂如深山門外車馬客此樂知應難

人遺紙數幅光厚如璽云得之東瀛或曰此苔紙也醉後以酒和墨爲梅花寫照梅之狀不一秀麗如美人孤冷如老衲屈彊如爭臣離奇如俠清逸如仙寒瘦枯寂堅貞古傲如不求聞達之匹士筆端欲具此眾相亦大難事唯任天機外形似與酣落筆物我兩忘工拙不暇計及也不知大梅山民揮之門外否引爲同調否安得起而問之

三年學畫梅頗具喫墨量醉來氣益粗吐向苔紙上浪

貽觀者笑酒與花同釀法疑草聖傳氣奪天池放能事
不能名無乃滋尤謗吾謂物有天物物皆殊相吾謂筆
有靈筆筆皆殊狀瘦蛟舞擊下清氣入五臟會當聚精
神一寫梅花帳卧作名山游煙雲真供我

邕之人淡如鞠自號書句四十生日寫鞠壽之鞠
名延壽客且清瘦肖其爲人也想必一笑張之
壁間以作小景謂老缶壽我不薄

癖書一句知者誰我却事事見所爲喜不梳頭得秦篆
君新得明拓秦山 刻石二十九字 概欲識面唯漢碑行年四十嗟老大
飲酒看花例不戒黃花壽君君曰吁縱能比瘦難比怪

效八大山人畫

八大真跡世不多見予於友人處假得玉簪花
一幀用墨極蒼潤筆如金剛杵絕可愛臨三四
過畧有台處作長歌紀之越數日有寄山人巨
幅來售一石苔封雲縹橫立如釣磯上棲數鳥
下兩游魚神氣生動草書一絕到此偏憐憔悴
人緣何花下兩三旬定昆池在魚兒放木芍藥
開金馬眷殆是國變後所作山人本勝國石城
府王孫故詩意悽惋如是神化奇橫不可撫效
較前畫尤勝也索直甚奢阮囊空空不能得并

記於此作過眼煙雲看

石城王孫雪个畫下筆時嫌八極隘硯翻古墨春雷飛
大石幽花恣奇怪蒼茫自寫興亡恨真跡留傳三百載
出藍敢謂勝前人學步翻愁失故態是時窗戶春融融
墨汁一斛古缶中古今畫理在一貫精氣居然能感通
此花此石壽無窮唐樵晉帖稱同功香溫茶熟自欣賞
梅梢雙鳥啼春風

蘭生空谷荆棘蒙之麋鹿踐之與眾草伍及貶以
古磁斗莪以綺石沃以苦茗居然國香矣花之
遇不遇如此況人乎哉朱藥實大如巨甌清芬

襲人摘一頭同蘭供几上真耐冷交也人見此
畫有笑我寒乞相者題詩自解

裊裊幽蘭花團團朱欒實種類雖不同臭味自相得山
齋作清供活潑勝頑石如以昆侖奴侍立美人側如我
賞名花相對兩默默偶然寫此景斷箋磨古墨旁觀嫌
冷澹掩裊笑喀喀我畫難悅世放筆心自賁高詠送窮
文加餐當努力行畫紅牡丹燕支好顏色

趙子固自跋水仙謂觀者可求於形似之外我深
歎其言子固水仙周艸窗極重之曾刺舟嚴陵
灘下見新月出水大笑以爲水仙出現其品當

妙絕天下今不可復得矣余此畫萬不及子固
世亦無有好之如艸窗者是可媿也

湘娥怨魄啼枯竹湘濤瀆淚頗黎綠步搖碎落河伯宮
鮫人夜琢玲瓏玉嫦娥搗藥使變花春抱幽香月中宿
如今瘦葉埋風沙迢根願向瑤臺曲

作畫三幀各贅六言一首茶熟香溫閉門自賞忘
此身在塵海中也

籬鞠瘦偏人影山風虛落石頭秋色江南如此幾時歸
去湖州

茶味松風一趣菖蒲壽客同胎一任空山無伴我姑酌

彼金罍

黃華帶三徑雨雅蒜存六朝風賸有石頭知己井南硯
北籬東

楓

秋景當以紅葉爲第一於夕陽時看最妙

一樹斜陽下吟詩繫客舟吳江久不到因畫憶前游

朱鞠

離騷云夕餐秋鞠之落英余曾試之唯黃白二
種可煮食下酒甚佳紅者味苦如藥但供看耳
秋色映朝霞籬邊斗大花餐英能益壽根下有丹砂

紅梅

枝幹墨色者俗呼鐵骨紅極難長大得一二百年老幹伴以太湖奇石可爲園中萬花領袞花明晚霞烘幹老生鐵鑄歲寒有同心空山赤松樹

鞠華爲姚芝生六十壽

芝翁古貌古心好讀書失子喪偶能自遣其所得深矣并題詩祝之結語云云望其有後也越月餘聞側室舉一男相去三百里不能爲湯餅客他日相見當拊掌一笑謂我頌言之不虛

高秋黃華開翠葉大如掌相對持酒盃南山有眞想年

年好栽培春風鞠苗長

題畫贈趙非昔宗建是時游虞山將返滬上用以留別爲日後相憶之資云爾

豪飲才無敵高談髯絕倫梅花古春屋北郭老詩人黃浦速歸櫂青山遲買鄰畫圖慚筆弱聊障壁閒塵

建蘭有數十種古人從無畫之者秋日買一叢對花寫照使生香活色四季常留吾廬當易名香祖也

幽蘭佳種傳漳州紫莖綠葉花雙頭餅金易得供湘几香風引鼻宜清秋蕪園墻隅數弓地擬拔芭蕉樹蘭蕙

李通判與陳夢良

李通判白華十五萼陳夢良紫華二十五萼皆建蘭之佳者

後來

更有酸寒尉

庚寅六月在公周齋頭作橫卷贈歸雲磨雲磨好
書畫好飲自稱酒徒又號痴骨董天真誠朴之
士也與予初見如故交揮汗弄筆不自知其苦
意氣之感人如此

鞠華折得難酤酒蒲葉新栽未滿盆何日虞山買茅屋
一卷頑石卧當門

庚寅十二月初三夜與了谿屠朋石墨施爲談藝
缶廬卽景寫圖落筆颼颼與窗外風雪聲相應

也兩人旁觀爲我欣賞

破鐙雌不溫梅花淡若水青氈長物外冷趣僅賞此一
官追聾丞官事食以耳衙參喚不起習嬾艱拜跪作畫
娛性情雪个窮厥技白石青藤流附庸差可擬奇窮了
道人善病墨居士喜極更相賞快搨造像比叩門急星
火傳入一片紙雨雪方載涂捉我去官裏

友人贈周奪敵全形拓本自補鞠華水仙作歲朝
圖好古癖深亦不自覺酸寒也奪字不知何所
取古人銘器別有寄託非若今人好爲文辭奚
必穿鑿爲之說耶

周啟離奇奪字標破經秦火幾回燒保殘守缺尋常事
難得秋華賞歲朝

貧過中秋又瘦年一家和氣抱圓天量柴量米且休問
擲賣文錢買水僊

紅梅水仙石頭吾謂之三友靜中相對無勢利心
無機械心形蹟兩忘超然塵垢之外世有此嘉
客焉得不揖之上坐和碧調丹以寫其真歌雅
什以贈之

梅花彩霞光水仙蒼玉色東風開南軒坐以賞元日誰
謂石頭頑勝景非其匹大塊春蓬蓬容我一官蝨

宣和博古圖鼎彝餅罍悉具昔時畫史以工筆樵
效所插花枝皆鈎勒渲染庸俗少致自謂效宋
元筆法可資嗚噓陳曼生能破此格以寫字之
法出之良由得力於金石者深也戲數之未能
就其範圍

一餅磨口不足貴一盆漏水真陶氣若非破相傳人閒
骨董光價親來議菡萏亂插菖蒲盛收拾離奇古所棄
黃華位置妥最難著手泉明儻來覩

予偶以寫篆法畫蘭有僮夫笑之不笑之不足爲
予之畫也戲題一詩以贈知音者

缶廬別存

圭

臨樵石鼓琅玕筆戲爲幽蘭一寫真中有離騷千古意
不須攜去賽錢神

缶廬別存 題畫終

缶廬別存 續編集聯

安吉吳俊昌頌

四言

小吏孜古大樸樂天
識真君子敬古如來
陰陽可彙天日同游
時禽亞若古樹榕欒
求彼同孜樂避多賢
樹雫曉秀田禽朝鳴
柳高出戶萼大若盤

缶廬別存

道子工寫康樂致游

械樸可樹射駮是安

鸞致六出鬪高一鳴

員天出水方舟載鸞

鸞事驅避漁子識君

里古樹栗雨余射鸞

五言

天道可包致人事求走員

太古若昏曉高賢多子孫

清望同司馬古翰寫來禽

深淵出游鯉古樹鳴歸禽
君子樂其則時人囿所安
大獵古吳水用寫君子等
游藝若射獵陳道卽田漁
康樂陳時道清平具古歡
一秀自康我中庸持作人
陰陽避所具道藝樂其天
夕陽出深莽游獵及平遠
深淵小魚樂微雨黃鸝滋
望彼夕陽處涉來嘉樹陰

缶廬別存

二

黃鸞有同汝
小雨來清游
歸田寫避樂
省事唯公賢
銅章寫淵靜
涉獵求異同
天章出鸞省
庶事歸有司
號盤用永享
田車寫孔安
鯨魚立大雨
獵馬驅余陽
高天蜀道出
古柳吳宮余
鸞事同所汝
水天一以清
獵戶汝橫矢
漁人工被求

六言

清游迺逢康樂嘉致或同子猷
寓公所薰唯古君子不流自高
流水亟鯨魚立余陽微獵馬歸

七言

求避古歡事可樂敬彼碩人道自躋
水歸深淵有其道雨滋嘉樹敷以萼
避水旣清道旣平唯楊及柳鱣及鯉
行人及嘉樹而止公子望平遠不來
射人射馬執弓矢唯鱣唯鯉游淵遠
平遠立馬萋萋曉斜日歸漁浦浦深

缶廬別存

三

朝日陰陰出深柳高籬莽莽來黃萼
盈盈一水歸舟亟莽莽高籬勒馬游
天馬游行不可勒時禽來止迺爲安
樹角夕陽歸獵馬萼陰微雨寫來禽
平籬盤馬白日夕清曉射魚深柳陰
寓公唯有白陽識歸舟多載黃萼來
四方來遊避孔樂一諾可敬公多賢
大雨如鏃魚迺樂嘉樹作萼禽旣歸
夕陰禽止若有謂小雨魚樂避勿如
天高小園一鳴鹿日夕嘉樹來歸禽

柳陰西北出古寺栗里左右俱黃筍
道人自乘白鹿出寓公多爲黃筍來
田禽鳴處雨迺止筍事盡來人不庸
水西粵黃雨卅里寺北柳古天一方
如來寫真馬洛子古剎用享曾伯翳
吳中筍事歸來董蜀道田車左右安

入言

射雉驅糜簡車于獵罟鰓橈鯉安舫以游
樂避碩人古道可處泛彼流水深遠自逢
小雨出游避車旣汝鳴禽來止流水自深

弓矢橫持射人射馬歸來獨樂有車有魚
深淵求魚大罟所載平遠射虎碩弓自鳴
左阪右遠駕避二馬囊弓執矢射彼大麋
小獵平遠樂避時日多涉古事求彼異同
栗里黃鸞古邈可涉柳陰白日清游自逢

缶廬別存

獵碣集聯終

各處別存 碑銘

安吉吳俊昌頌

黃武塼硯

黃武之塼堅而古卓哉孫郎留片土供我硯林列第五

鳳凰塼硯

鳳凰塼關硯田鳳來儀大有年

黃龍塼硯

黃龍黃龍爾耳則聾爾心則聰

永安塼硯

永安塼硯永用吉安吉縣人吳苦鐵

天紀博硯

篆文

天紀篆文蟠雲雷阿倉獲此如獲碑阿買八分徒爾為

又

是歸命侯之紀年我弄此博康降天

建安博硯

建安壁壘何可攀吟詩我獨礪此博

永甯博硯

左側有天災生三字

畫佛寫經天災化為永甯

甘露塼硯

甘露垂垂潤苦鐵之毛錐

泰康塼硯

塼作硯兮康且泰照我五湖之印句

泰始塼硯

礪泰始塼安平泰瓦甃之間有道在

茅山施傳作塼硯

塼出茅山作者施傳塼再作硯吳甃禪

辰字塼硯

辰屬龍誰爲伍上下相從我詩虎

任伯年寶鼎博硯

畫奴鑿硯如鑿井畫奴下筆力扛鼎寶珠玉者誰敢請

澱泥硯

搏土不足休其神硯池黃色來天庭

方寸硯

賣文無苟得方寸守典衣一醉謀之婦

蕉葉白硯

三分火捺七分蕉白贈者香葉銘者苦鐵惜乎水坑微

裂

畫荷硯

硯池澎湃荷花世界

作彖硯

倚汝作彖勿蹉跎對十石鼓日摩抄虵長蚓短功汝多

缶廬別存
硯銘終